

Tawar perlindungan untuk orang tersayang

AIA Public Takaful Bhd (AIA Public Takaful) melancarkan plan Takaful Keluarga, A-Life Legasi bagi membantu pelanggan melindungi masa depan orang tersayang melalui pengurusan legasi terbaik di samping menyumbang kepada komuniti bersama badan amal menerusi *rider* A-Plus Infaq.

Ketua Pegawai Eksekutif AIA Public Takaful, Elmie Aman Najas berkata, plan patuh syariah itu memberi perlindungan kematian akibat kemalangan atau kematian semasa haji atau umrah termasuk hilang upaya menyeluruh dan kekal (HUMK).

Katanya, ia juga bertindak sebagai salah satu kaedah pengurusan harta yang menawarkan nilai perlindungan tinggi dengan jumlah minimum sebanyak RM350,000.

“Orang tersayang akan menerima sehingga 600 peratus daripada jumlah perlindungan dalam bentuk hibah.

“Malah pelanggan A-Life Legasi boleh mendapatkan perlindungan sehingga RM4 juta tanpa perlu menjalani sebarang pemeriksaan kesihatan,” katanya dalam satu kenyataan semalam.

Tambahnya, A-Life Legasi juga membantu pelanggan meningkatkan simpanan dengan memberi ganjaran berterusan apabila mengamalkan amalan pengurusan kewangan yang baik sehingga mencapai sesuatu peringkat penting di sepanjang kehidupan mereka.

“Jika caruman dibuat dalam tempoh ditetapkan, sejumlah amaun akan dikreditkan ke dalam Akaun Legasi mereka setiap dua tahun, pada tahun ke-20 dan pada tempoh matang sijil,” katanya.

Elmie Aman (dua dari kanan) bersama tetamu kehormat pada Majlis Pelancaran A-Life Legasi di Kuala Lumpur baru-baru ini.

